

**MGA TALAMDAN SA PAGTUON-NGA-MAKAPATIN-AW  
SA UNA UG IKADUHANG SAMUEL**

**MAHINUNGDANONG MGA PAMAHAYAG**

**Makita nato sa 1 ug 2 Samuel nga ang Tulo-usang Dios,  
lakip ang pagkalawas ug pagtubos Niya, hingpit gyong  
nalambigit sa pagpahimugso ni Samuel ug ni David  
aron ikapadangat ang gingharian sa Dios;  
mahinungdanon nga makita nato nga nalambigit  
ang Tulo-usang Dios kanato karon, nagbuhat sa sulod nato  
aron mabuhat ang Iyang kabubut-on, matuman ang Iyang tuyo,  
ug matagbaw ang gitinguha sa Iyang kasingkasing.**

**Walay laing paagi nga makab-ot ang habog nga punto  
sa walay kataposang pamatigayon sa Dios,  
ang realidad sa Lawas ni Cristo, kondili ang pag-ampo ra;  
ang pagkahimo natong mga mananaog nga realidad sa Lawas ni Cristo  
aron mahimong pangasaw-onon ni Cristo maoy motapos ning panahona,  
ang panahon sa iglesia, ug magpabalik ni Cristo nga Hari sa himaya  
aron moangkon, manag-iya, ug magbuot ning yutaa  
uban sa Iyang mga mananaog sa panahon sa gingharian.**

**Pinaagi sa pagpakatawo, pagkalansang sa krus,  
ug pagkabanhaw ni Cristo, Siya, nga Anak na sa Dios,  
nahimong Anak sa Dios sa bag-ong paagi—ang panganayng Anak—  
nga gipaila nga Anak sa Dios nga dunay pagka-tawo;  
sa Roma 1:3-4 si Cristo, nga Anak sa Dios, mao ang sumbanan,  
samtang sa 8:29 ang daghang magsoon mao ang  
“daghang hulad” sa sumbanan ug, sa pagkaluwas nila sa kinabuhi,  
masama sa dagway sa panganayng Anak.**

**Ang pamatigayon sa Dios pag-umol man sa Iyang Kaugalingon kanato  
aron makasinati tag metabolicong kahikayan  
sa espirituhanong paghilis ug paghilis-sagol nga magtransporma  
isip inanay ug tiunayng metabolicong kausaban  
sa natural natong kinabuhi uban sa diosnong kinabuhi;  
alang kini sa pagtukod sa Lawas ni Cristo  
nga mohingpit sa Bag-ong Jerusalem.**

Mensahe 1

**Ang Sentrong Hunahuna sa ug ang Diosnong Trinidad  
ingon sa Gipadayag sa 1 ug 2 Samuel**

Basahong Kasulatan: 1 Sam. 1:3, 7, 10-11, 19-24; 2:11, 35;  
3:9-11, 21; 7:3-6; 8:4-22; 16:1-3, 13; 2 Sam. 23:1-3; 24:25

**I. Ang sentrong hunahuna sa 1 ug 2 Samuel mao nga nagkinahanglan sa pagbulig sa tawo ang pagtuman sa pamatigayon sa Dios—ang prinsipyo sa pagpakatawo:**

- A. Ang prinsipyo sa pagpakatawo mao nga nisulod ang Dios sa tawo ug gisagol ang Iyang Kaugalingon sa tawo aron iusa ang tawo Kaniya; busa, naa sa tawo ang Dios ug naa sa Dios ang tawo, nga dunay usa ka kinabuhi ug pagkinabuhi—Juan 15:4-5; Gal. 2:20.
- B. Lalom gyod untang masilsil sa atong panumdoman ang kamatuoran nga nagkinahanglan sa pagbulig nato ang pagtuman sa pamatigayon sa Dios; nagpasabot ang pagbulig nato sa Dios nga mabugkos ta sa Dios—1 Cor. 6:17; Juan 15:4-5; 2 Cor. 6:1; 1 Cor. 3:9; 16:10, 16.
- C. Sa 1 ug 2 Samuel gipakita ang pagbulig sa Dios sa kasaysayan sa inahan ni Samuel, nga si Ana, ni Samuel, ug ni David, sa positibong bahin, ug sa kasaysayan ni Eli ug ni Saul, sa negatibong bahin.
- D. Ang pagbulig sa Dios pinaagi sa prinsipyo sa pagpakatawo may kalabotan sa personal nga pagpahimulos sa maayong yuta, nga naghulagway ni Cristo nga malangkobon-sa-tanan ug masangkaron-sa-tanan—Deut. 8:7-10:
  1. Ang 1 ug 2 Samuel, nga sumpay sa Josue, Mga Maghuhukom, ug Ruth, naghatag sa mga detalye kalabot sa pagpahimulos sa maayong yuta nga hinatag-sa-Dios.
  2. Nagpakita ang mga hulagway sa 1 ug 2 Samuel unsaon nga makapahimulos ug unsaon gyod pagpahimulos sa mga magtutuo sa Bag-ong Tugon si Cristo nga pahat nga giapod-apod sa Dios kanila aron maestablisar ang gingharian sa Dios, nga mao ang iglesia—Col. 1:12; Mat. 16:18-19; Rom. 14:17:
    - a. Sa 1 ug 2 Samuel ang maayong yuta nga gipahimuslan sa mga nibulig sa Dios nahimong gingharian sa Dios.
    - b. Sa pagbulig nato sa Dios pahimuslan gyod nato si Cristo hangtod nga ang pagpahimulos nato ni Cristo mahimong gingharian sa Dios, nga niini maghari ta diha sa kinabuhi uban ni Cristo—Rom. 5:17; 14:17.

**II. Makita gyod unta nato ang Diosnong Trinidad ingon sa pagpakita niini sa 1 ug 2 Samuel:**

- A. Ang tuyo sa Dios alang sa piniling katawhan Niya dili pagpildi lang sa mga kaway ug hingpit nga panag-iyahon ang maayong yuta kondili magtukod sab silag gingharian diha sa yuta:
  1. Aron matuman sa Dios ang tuyo Niya nga makabaton og pagpadayag, nagkinahanglan Siyag gingharian, kun ginsakpan nga niini mapadayag Siya—1 Sam. 10:25; Mat. 6:10; Luc. 1:33.
  2. Gipagula ang mga anak sa Israel gikan sa Egipto ug gidala sa kamingawan, diin gitukod nila ang tabernaculo alang sa Dios; unya nanulod sila sa maayong yuta, ug gipahatan sa yuta ang tanang banay aron makabaton ang Dios og gingharian dinhi sa yuta—Jos. 13:1—22:34.

## MGA TALAMDAN SA PAGTUON-NGA-MAKAPATIN-AW

### Mensahe 1 (sumpay)

3. Mahinungdanon ang 1 ug 2 Samuel aron ikapadangat ang gingharian—1 Sam. 8:4-22; 10:25; 13:14; 15:28; 16:1-3, 13.
- B. Tungod sa makaluluoyng sitwasyon sa basahon sa Mga Maghuhukom, dinalian ug desperadong gikinahanglan ang tawo nga sama ni Samuel—1 Sam. 2:35; 3:21:
  1. Nasareo, sacerdote, propeta, ug maghuhukom si Samuel; kining upat-kapilo nga pagkabutang ang naghimo niyang takos nga mopadangat sa hari ug motukod sa gingharian.
  2. Dili tumong sa Dios nga mahimong sacerdote, propeta, ug maghuhukom si Samuel; ang tuyo sa Dios mao ang pagtukod og gingharian nga dunay hari—8:7; 13:14.
- C. Gipadayag sa 1 ug 2 Samuel nga ang pagpadangat sa hari ug pagtukod sa gingharian nag-agad sa pagkalambigit sa Diosnong Trinidad sa Iyang katawhan:
  1. Aron mapabangon ang tawong sama ni Samuel ug matuman ang iyang tahas, gikinahanglan ang Diosnong Trinidad—1 Sam. 1:10-11, 20, 10:1, 6; 16:1-3.
  2. Tungod niini, dunay gidetalye, pinong pinadayag sa Diosnong Trinidad sa 1 ug 2 Samuel; ang mahinungdanong punto sa kasaysayang girekord sa 1 ug 2 Samuel mao nga gikinahanglan ang Diosnong Trinidad—2 Sam. 22:1-3; 23:1-3; 24:25.
- D. Gipadayag sa 1 Samuel 1 ang Diosnong Trinidad ug ang nagbuot nga kamot sa Ginoo:
  1. Taliwala sa kasamok sa nadaot nga Israel, nagpabilin si Elkana ug si Ana sa paagi sa kinabuhi nga gitudlo sa Dios alang sa walay kataposang tuyo Niya—vv. 1-5, 10-11, 20, 24.
  2. Matag tuig moadto si Elkana ug ang iyang pamilya sa balay sa Dios, sa tabernaculo, nga naa sa Shilo niadtong panahona, aron mosimba ug maghalad og mga halad ni Jehova—vv. 3, 21-24:
    - a. Sa mga versiculo 3-7, 10-11, 20, ug 24 naghulagway ang mga halad-ihaw ni Cristo nga tanang halad; nagtimaan ang mga torong baka, harina, ug bino ni Cristo nga nasinati nato ug gidala ngadto sa balay sa Dios aron ihalad Kaniya.
    - b. Si Jehova ang dakong Ako Mao, ug ang balay ni Jehova mao si Cristo nga pagkalawas sa Dios nga kapuy-an sa Dios diha sa Iyang katawhan—vv. 10-11.
    - c. Labi gyong nagpakita kining seksyona sa balay sa Dios nga pagkalawas sa Tulo-usang Dios ug sa mga halad nga maoy palagianan nga makasulod ta sa pagkalawas sa Dios, sa ato pa, sa katubsanan; busa, makita nato ning mga versiculoha ang pagkalawas sa Dios ug ang hingpit nga katubsanan Niya—itandi sa Juan 1:14, 29; Luc. 1:68; 2:38; Efe. 1:7.
  3. Kay gitakpan man ni Jehova ang tagoangkan ni Ana, napugos siya nga moampo sa desperado, hinalad, ug naghalad nga pag-ampo; tungod sa nagbuot ug tagong pagdasig sa Dios, nag-ampo siya nga hatagan og batang lalaki nga bug-os nga alang sa Ginoo—1 Sam. 1:5, 10-12, 15.
- E. Makita nato sa 1 ug 2 Samuel nga ang Tulo-usang Dios, lakip ang pagkalawas ug pagtubos Niya, hingpit gyong nalambigit sa pagpahimugso ni Samuel ug ni David aron ikapadangat ang gingharian sa Dios:
  1. Gipadayag ang Diosnong Trinidad sa pagdihog kang David aron mahari—1 Sam. 16:1-3, 13:
    - a. Ning mga versiculoha makita nato ang Tulo-usang Dios nga si Jehova ug ang Espiritu sa Tulo-usang Dios nga mao ang Espiritu ni Jehova—v. 13.

## UNA UG IKADUHANG SAMUEL

### Mensahe 1 (sumpay)

- b. Naghulagway sa Espiritu sa Dios ang lana, ug naghulagway ni Cristo nga halad ang gihalad nga dumalagang baka; busa, nalambigit ang Diosnong Trinidad sa pagdihog kang David, sa paghimo kaniyang hari sa tibuok Israel—Sal. 89:20.
2. Ang mga pulong sa awit ni David kang Jehova sa 2 Samuel 22:1-3 naghisgot ni Jehova nga iyang dakong bato nga gansangon, dangpanan, Tigluwas, dakong bato, ug taming ug sungay sa kaluwasan; nipahayag si David sa versiculo 47 nga, “Buhi si Jehova; ug bulahanon ang akong dakong bato; / Ug ituboy ang Dios, ang dakong bato sa akong kaluwasan.”
3. Sa 2 Samuel 23:1-3—ang kataposang mga pulong ni David—namulong ang Espiritu ni Jehova pinaagi niya, ug namulong ang Dakong Bato sa Israel kaniya—vv. 2-3:
  - a. Ning mga versiculoha ang Dakong Bato mao si Cristo nga sukaranan aron magrasyahan sa Dios ang Iyang katawhan.
  - b. Ang Espiritu ni Jehova mao ang Espiritu sa Tulo-usang Dios—1 Sam. 10:6; 16:13.
  - c. Ning mga versiculoha ang *Dios* sa Hebreohanon mao ang *Elohim*, nga nagpasabot sa Tulo-usang Dios.
4. Sa 2 Samuel 24:25 naghulagway ni Cristo nga motagbaw sa Dios ang mga halad nga sinunog, ug naghulagway ni Cristo nga kadait tali sa Dios ug sa Iyang katawhan ang mga halad sa pakigdait.

### **III. Sa prinsipyo, pareho ra ang sitwasyon nato karon ug ang panginahanglan sa Dios karon sa sitwasyon ug panginahanglan sa panahon ni Samuel—1 Sam. 8:4-22:**

- A. Dinaliang gikinahanglan ang pipila ka tawo nga moampo og madaogong mga pag-ampo alang sa tumong sa Dios, sama sa gibuhay ni Ana, ug sa mga tawong angayan sama ni Samuel—nga Nasareo, sacerdote, propeta, ug kataposang maghuhukom—nga gigamit sa Dios sa pagtapos sa nagkagubot nga sitwasyon sa katawhan sa Dios ug pagpadangat sa hari ug sa gingharian—2:35:
  1. Aron makaampo ta para matagbo ang panginahanglan sa Dios karon, nagkinahanglan ta ni Cristo nga pagkalawas sa Tulo-usang Dios ug realidad sa tanang halad, ug nagkinahanglan ta sa katumanan sa Toldang Tigomanan, nga mao ang iglesia nga puluy-anan sa Dios—Col. 2:9-10; Efe. 2:21-22; Heb. 8:1-2; 10:8-10.
  2. Sa usa ka bahin, wala pa dinhi si Cristo nga atong Hari, ug naa pa gihapon ta sa nagkagubot nga sitwasyon, sama sa panahon sa mga maghuhukom—Huk. 21:25.
  3. Ang katumanan sa gingharian sa Dios mao ang pag-abot sa gingharian, nga ipadangat ni Ginoong Jesus, apan gikinahanglan ang pipila nga sama ni Samuel nga mobulig sa Diosnong Trinidad sa pagpadangat niya sa gingharian—Mat. 6:33; 1 Cor. 6:17; 16:10; 2 Cor. 6:1.
  4. Makaamgo unta ta nga gikinahanglan gyod pag-ayo ang Diosnong Trinidad aron makaampo tag madaogong mga pag-ampo ug aron ikapadangat ang gingharian—Mat. 6:10, 13; Bug. 1:4-7; 8:3-5.
- B. Giumol ta sa Tulo-usang Dios, uban sa pagkalawas, pagtubos, ug Espiritu Niya nga mahimong mapuslanong mga tawo alang sa Iyang pag-anhi ug sa Iyang gingharian—2 Cor. 13:14.

## MGA TALAMDAN SA PAGTUON-NGA-MAKAPATIN-AW

### Mensahe 1 (sumpay)

- C. Mahinungdanon nga makita nato nga nalambigit ang Tulo-usang Dios kanato karon, nagbuhat sa sulod nato aron mabuhay ang Iyang kabubut-on, matuman ang Iyang tuyo, ug matagbaw ang gitinguha sa Iyang kasingkasing—Fil. 2:13; Heb. 13:21; Efe. 1:5, 9, 11; 5:17; Col. 1:9; Rom. 12:2; Bug. 4:11:
1. Kon makita nato kining panan-awona, mousab kini sa atong hunahuna kalabot sa gipasabot sa pagka-Cristohanon—Buh. 26:19; Rom. 12:7-8; 2 Cor. 5:14-15; Efe. 3:16-17.
  2. Ang natural, relihiyoso, iya-sa-kultura, iya-sa-moralidad, ug iya-sa-maayong pamatasan nga mga hunahuna nato kalabot sa Cristohanong kinabuhi pulihan gyod sa panan-awon sa Tulo-usang Dios nga hingpit nga nalambigit—Mat. 28:19; 2 Cor. 13:14; Efe. 4:4-6; Bug. 1:4-7.